

四冊合裝為壹厚冊

是書多所指示勿輕視之



南洋旅行記 佩序署為

一卷

病驥冒險旅行之二

南洋旅行記



顧鼎銘題



無錫病驥人四十八歲小影

南洋旅行記目錄

緒論

旅行出發前之瑣記

菲律賓記

海峽殖民地及馬來半島記

(一)新加坡

(二)馬來半島

(三)檳榔嶼

荷屬各埠記

(一)婆羅洲

(二)爪哇

(一)泗水(二)富直蘭埠(三)新都甲里(四)交波陀(五)岩望(六)蘭

南洋旅行記

錫成公司代印



465927

巨米里(七) 拉旺(八) 瑪瑯(九) 美利達(十) 多隆阿公(十一) 街詳
(十二) 諫義里(十三) 橫帶司(十四) 格祿火山(十五) 梭羅(十六) 日
惹(十七) 三寶壠(十八) 萬隆(十九) 巴達維亞(二十) 茂物

旅行歸棹之瑣記

結論



序一

世之纂游記者要不外狀景物記程途默察人情風俗於歷史地理上有所考證耳從未有本禮失求野之心爲借他山之舉靡覽所及發爲文章如無錫侯君病驥所著南洋旅行記之翔實也侯君以教育家富國家觀念具世界目光頃者游南洋歸而輯旅行記都十餘萬言書成屬序於余侯君之言曰記中分美英荷三屬美屬則詳記菲律賓濱教育寓活潑於嚴正之中記海峽殖民地及馬來半島敘述吾國外交失敗之原因強國殖民之計畫記荷屬各埠之苛待華僑及自身困囿之痛苦詳載國恥之關係侯君之言如是固無待卒讀全編而用意所在可以概見後之游南洋者固當奉作南針而今日之言教育實業外交內政諸君子或以是書爲研究之一助也不揣譎陋敬弁數語於簡端民國九年天津胡家祺

序二

峯隆然以起色灰而體龐者吾知爲橐駝也然或以爲馬腫背遼東之豕生子白

頭以爲希有也至河東而羣豕皆白則嗒焉返矣此無他局於一隅識之讓而見之蘄也况當此波譎雲詭世局倏擲之秋萬事萬物幾於月異而歲不同又安能蟄伏一室抱線裝書誦誦謂不出戶知天下哉則遊尙焉顧遊則遊矣或竟與未游者等征夫走卒足繭而不休凡山椒水涯村墟都邑亭堡阨塞無不躬歷其境然所接於耳目者大都知之而不能言即或名流選客轍跡所經凡所筆之於書亦祇記其山川道里古蹟形勝如陸劍南之人蜀記范石湖之吳郡錄而已欲求記遊之書所關係至鉅足以借鏡而爲政治設施之先導者未之見也余友侯君病驥相識餘三十年矣以教育爲職志所著書高可隱人每稠人廣坐登壇發抒所見若泉之騰沸上湧袞袞不能自休聽者輒鼓掌以是翕然有聲於時性喜遊足跡經行萬八千里所至必考其人情風俗物產以及教育弛張之迹貢之於人蓋所抱者宏不僅侈遊已也嘗西至秦厄於兵瀕死者數矣顧壯志不少衰卒登華山絕頂而歸病驥平日固主張勞苦教育者也今觀所爲豈不信哉去年夏病

驥復自閩海遊南洋羣島星羅以次周行幾遍經歷險阻與西秦同羈滯凡六閱月歸而追憶所得成旅行記一書於種族盛衰之故各國侵略之心華僑不忘祖國之意反覆言之而不能已此殆所謂關係至鉅足以爲政治設施之先導者也若僅以尋常遊記目之失病驥矣嗟乎予識病驥時彼此皆朱顏少年飲酒賦詩意氣甚盛猶憶一日宿病驥所天酷暑窗外簷漏如繩一燈熒然相對枯坐視病驥搖首若有所思久之忽躍起狂笑曰吾詩成矣遂琅琅誦落花篇余諦聽一過賞其詞之工曰君可更號侯落花相與大噱自此以後病驥奔走學務余亦客游四方不相見者二十年辛亥改革余自山左謁假旋里病驥適歸自章江相見於里門已鬢髮有鬚酒酣以往脫冠垂頭童然禿矣辛亥至今忽忽又垂十年而病驥意氣如少壯一昨與之拏舟泛五湖登鼉頭渚呼酒共酌興甚豪時南風起湖水噴湧撼石壁澎湃有聲與拇戰聲相應也病驥職教育欲大有所設施願以伉直不爲世所容其胸中塊壘不平之氣於此稍稍見矣病驥以是記索於余且督

促之余辱交久故不辭而發之如此庚申六月同邑嚴毓芬

序三

三十年來吾老友 病驥不爲世用挾其磊落不羈之才慷慨悲歌徇國家之急
間或驅馳海內外搏而激之猶是也尼而沮之猶是也困窮之顛躓之身心拂亂
亦猶是也於是乎 病驥之蹤一若蒼蒼者故蹤之跋涉艱難歷盡險隘使天下
之人曉然於志之爲志不第不關搏激尼沮拂亂之有無且皆足以助成其志之
所在歲已未夏 病驥旣卸廈門集美校務當是時冢子孀弱女亡厥身厥家無
一不在風雨漂搖之中 病驥亦心緒壞亂覩熟客而字不能呼執要件而付忘
所在顧乃雋身南赴其慷慨悲歌之態繚繞赤道萬里間者不可得而見之慷慨
悲歌之聲早偕陣陣薰風震驚祖國耳鼓殆將聾矣豈不壯哉今讀其旅行記於
國恥於種族盛衰於我國人民之忍辱忘死進退希冀祖國之挺立不爲他族所
吞噬者不啻一字一淚一筆一血以出之由是而 病驥之志所在亦可窺見一

斑者矣且夫世不能用 病驥而 病驥不忘自用亦已久矣人疑 病驥自用
要其磊落不羈縱橫新舊未必得志於遠遊而吾則謂 病驥果於自用其着手
常在周徧海內外一至再至無日不在遠遊則其慷慨悲歌之聲態繚繞震驚必
有五百年歎無繼嗣者或者疑吾言乎請讀是記與西秦旅行當自知之中華民
國九年七月黃龍驥

序四

己未冬侯子自南溟旅遊返庚申夏編纂遊記蔚然成三巨帙時予與侯子共晨
夕獲先覩越六十有二日印行將歲事因書其端曰亞洲形勝畸重東南歐美各
國具有左右世界之權能者咸視南洋諸島爲商舶軍艦往來要樞所以英領板
星荷踞婆爪美併呂宋日攘臺灣邇復乘歐洲之戰佔領德之馬撒爾加羅林兩
島虎祖耽耽各逞其私以謀均勢我國人之王斯土者初皆不之珍惜致數十百
萬僑處人民服屬於他國強權下南海之南不復爲中國有而荷英美日售其侵

略政策廣施教育力圖實業如荼如火震爍海洋洲三十年間形勢因之一大變
近且重視商戰學戰擴張國權方興而未有艾也侯子有心人萃畢生教育之精
誠足跡遍江河流域南出嶺嶠窮澎臺之勝歆然不自足更涉飛獵濱渡新嘉坡
翱翔乎爪哇檳榔婆羅馬來半島間攷察各屬僑民教育與僑商實況目擊夫華
僑之上者幾同化於西人下者且駸駸與土人混合懵然不知身之所自出故語
華僑學校以保種爲先保種以增設國文國語二者爲先語僑商則組織銀行開
採礦產興辦鐵道製造汽船團結華僑精力發揮祖國菁華犖犖大端固無在不
渙然大號發爲偉論者也侯子之矚顧東南不忍華種人民放棄祖國甘受外人
宰割其用意殆與梁任公新大陸遊記有同美焉昔薛叔耘之奉使英法美比四
國也有正續出使日記凡各國商業之振興財政之規畫與夫國權之所以尊重
靡不詳載顛末資當世之考鑑而南洋羣島一隅尤諄諄擘劃爭設理事官保令
領土以發展僑民勢力老成卓見到今猶稱今侯子亦年垂垂老既與薛氏生同

時又同爲錫山人傑斯記之作抱負略同蓋足與四國出使記後先輝映並傳不朽者矣庚申古歷八月朔日武進冷厂李法章

序五

於戲吾觀病驥垂垂老矣而志氣益壯往聘其駿足北遊秦豫南窮閩嶠間關千里涉嵩華之高觀黃河南海之大且深心以爲未足而汎舟太平洋馳域外之觀遍歷爪哇蘇門答刺菲律賓諸島數年來厄於讒口不死厄於疾疫不死厄於兵火寇盜又不死幾幾乎楚汗明所云驥之齒至矣服鹽車而上太行蹄申膝折尾湛腑潰亦旣皮骨僅存而志不以少阻更窺足流火灼石之鄉徜徉酣恣而不自已山海之阻深曾不足以沮軼塵之足壯哉驥也不幾如天馬之行空鵬之徙於南冥水擊三千里搏扶搖而上者九萬里耶願病驥歎然不以自多曰吾固病驥也幾幾乎自居於蹇足焉於戲驥足一逝駿奔千里而此之謂病其殆世之驚足者之病夫驥耶抑亦驥憂讒畏譏之甚而自病也耶吾聞之夫子曰驥不稱其力

稱其德也今歲八月病驥以南洋旅行紀乞序於余余小子文質无所底何足以稱驥之德哉固辭不獲命遂書以爲序小友錢基博

題辭四首


光怪擊騰菲律賓探奇興學倍精神國魂儻逐吟魂起不負高歌斫地人
芒芒禹迹欲何言海峽書來共斷魂奴姓已無天可籲要於教育識根原
婆羅泗水幾人游風虐雲昏不自由欲救衆生先入獄淚河迸血看神州
萬劫不回柔佛國燒天格祿極恢奇酒闌歷數經行地鬱勃肝腸吐與誰

南湖病榻呈藁

題驥叟戊午己未旅行記

老弟壯游真可笑赴湯蹈火又歸來現身試驗有幾輩西嶽南洋亦快哉
地獄從來在眼前洪荒格祿想當年所招自妄應自受弱肉強食今古然

寒厓稿



鴻鑑赴菲律賓考察教育賴趙君樹
屏同行在菲匝月臨行同攝此影

